



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

XXV. De confeßione & poenitentia.

urn:nbn:de:hbz:466:1-15625

duc obtinuit, Dei nostri voluntatem fecisse, dum licuit. Tunc sane recipiemus vniforme stipendium secundum opera nostra. Væ qui promeruerit sempiterna supplicia.

XXV.

Renuntiemus sedulo peccatis nostris, & confessionibus & abstinentiis expiemus, & quod nobis fieri volumus aliis faciamus. Hoc iudicium nostrum est, & sane beatus & Deo gratus est qui iudicium hoc sincere tenuerit ad gloriam omnipotentis Dei, cuius sumus miseratio-
ne conditi, precio magno redempti.

Quicumque Christianus, sicut vere necessarium est, dignam Christianitati suæ curam impendat, & ad perceptionem communionis dominicæ ter saltem in anno se præparet, vt non hoc ad iudicium, sed ad remedium salutare, manducet: & quisquis amicus Dei est, verbis & operibus rectitudinem flagitet, fidem & sacramenta caute custodiat.

Omnis iniustitia de finibus nostris quantum possumus expellatur, & Dei iustitiam dictis & factis deinceps amplectamur: tunc eius misericordiam propitiatus impetrabimus. Item faciamus sicut adhuc persuaderi volumus.

XXVI.

Simus dominis nostris per omnia fideles & credibiles, & eorum gloriam totis viribus exaltemus, & velle faciamus: quia quidquid pro recta dominorum fidelitate facimus, & magnam nobis vtilitatē facimus, & scienter Deus illi fidelis est, qui domino suo fidelis est: & vnicuique domino magnum opus est, vt hominem suum recte deducat.

XXVII.

Omnes Christianos sedulo commonemus, vt puro corde semper Deum diligant, & catholicæ Christianitatis fidei digne seruiant: sanctis ecclesiæ doctoribus deuote pareant, Dei leges & doctrinam fideliter inuestigent, semper & assidue sibimet ad vtilitatem. Et omnis Christianus addiscat vt saltem sanæ fidei rectam intelligentiam habeat: & sciat Pater noster, & Credo in Deum, quia per illud Deum exoramus, per aliud rectam fidem declaramus. Christus ipse primus hanc orationem protulit, & discipulos suos docuit; in qua septem petitiones sunt, & quisquis eam intimo corde cantabit, cum ipso agit de quacumque neces-